

تاریخ مجری ۱۳۳۲

نومرو ۳۳

تاریخ رومی ۱۳۳۰

صاحب امتیاز و مدیرمسئول
حسین شاهی

خبر الکلام

۸ شعبان المعظم

سرمدی :
احمد شیرانی

۲۰ حیران

قل الخیر والافاقت

دین و وطن خدمت، عزم و اصرار سید، نبض کوندری نشر انوار اسلام انجمن

بر حاله کلتش اولان بر ملت ایچون طوبه، تفنکه
وساثریه مالکیتدن زیاده سلامت فکره صاحب
اولمی، البته دها خیرلی و هیچ شبهه سز دها
زیاده فائده بخشد.

مفکوره دن، مفکوره وطن دها آجیجه سی
سلامت فکر دن حصه مند اولیان بر ملت، لزومی
قدر و حتی لزومندن فضله میلونلرجه طوبه،
تفنکه، مالک اولسه ینه فائده سز، مطلقاً سز
اوله رق قالب، کیدیور.

ایشته شو برایکی سطر ارق مقدمه دن جبقاره جعفر
نتیجه شود: اوت بر ملتک سلامت فکر دن
محرومی، و یا ناقصیتی هیچ شبهه سز، اومت ایچون
بادی خسیران و فلا کنند. بوکون سلامت فکر
هرزده، هر هانکی ملته موجود ایسه اومتک
حیات ملیه سنده تام بر اطراد، حیات عمومی سنده
ایسه بتون معناسیله بر رفاه کوزه چارمته در
نصل چارماسون، زیرا دنیاده هر شیک حاکی،
ناظمی، هب فکر، فقط فکر سلیم دکلیدر؟
اوکاشه نه! اساساً ضلالت فکریه، یعنی فکر
خسته لغته جولانگاه اولان محلا درده نه حیاندن
بر اثر، نه ده سعادت دن بر بنده کوریه بیلور،
کوریلان شیلردانما مسکنت، عطالت، مذلت،
و یا نتیجه فلا کنند. کره ارضه نیجه معظم
دولت لر وارد درکه موضوع بحث ایلدیکمز فکر
خسته لغته باقاسنی قایدردینی ایچون کندی نفوسنک
آنحیج درنده برنی تشکیله مقتدر اوله میان کوچک
کوچک دولت لرک زبونی اولوب قالیبور، ممکن
دکل اجرای نفوذ موفقی اوله میور.

بو مدعا منری اثبات ایچون برهان آرامق
لازم کیره او قادر کافت اختیار ایدکمزین
قوچه (چین) امپراطور لغتی، کوسره بیایرز،
او (چین) امپراطورانی، که دنیاده یشایان
انسانلرک تخمیناً درنده بری اوطور ارقده اصرار

کوردکاری مأیوسیت و مغمویتی دوشونورک
وبوکونکی سرور و نشاطه باقرق الله ذوالجلاله
حمد و ثنا بیوردیلر.


ابو سفیانک اسلام ایله مشرف اولمی
و آنسزین برهجومه معروض قالان بوده کندی
نقض عهدلری نتیجه سی اولدینی اییجه بیان
قریشک جرأت و شاشقیلای کندیلری مدافعه
و مقابله دن عاجز براقدی.

ذات رسالتناه: (الیوم بوم المرحه) بیورده رق
مکیه کیدیور و عادتاً صلحاً فتح و ضبط ایلدیلر.
بونجه ازا و جفالری کوردکاری، کونا کون
ظلم و غدرلرینه معروض قالدقلری قریش حقنده
عفو عمومی اعلان بیوردیلر.

یکرمی سنه ک سی و اهتام بی نظیرلرینک
مکافاتی اوله رق کعبه الهی و جواربی اصنام
و اوئاندن تطهیر ایلدیلر.

زمان خلیله اولدینی کبی کعبه معظمه بوندن
بویله ده اهل توحید مطاف، اهل دینه قبله کاه
اولدی.

آیا صوفیه: محمد امین



فکر خسته لغتدن بوملت نه زمان رهایاب

اوله حق؟

عصر لرجه دست قهرنده ازیلوب، ایکلهدیکمز
اداره مطلقه و کیفیه نک نتیجه سیاتی اوله رق
بز غمانلره، و بالخاصه بز مسلمانلره عارض
اولان فکر خسته لغتی بو وطنده، بو وطن اسلامده
اوقدر اجرای تحریکات ایشدرکه اعماری
خصوصنده یک بیوک همملرک صرفه احتیاج
وارد.

بر ملت ایچون، علی الخصوص بزم کبی صدمات
دهر ایله ازیلش، یوزلش، و یک یورغون

حیات ایلور ، فقط او حیاتک انسانلار مایقیشیر
بر حیات اولدیفنی مع الاسف ادراک ایله میور .
شمدی قسمزه بر پارچه کران کلور سده
اعتراف ایلی زکه بزده بو فکر خسته لفته چوق
زماندنبری مبتلا اولمش ، ومع الاسف تدای
چاره لرینی هنوز حقیله احضار ایدمه شزدر .
اومدهش عتک بوملکه ، بو وطنه ، ایقاع ایلدیکی
تأثیرات ، ایراث ایلدیکی مضرات ، غیر قابل
انکار اولدیفنی ایچون بو بلای مبرمدن قولایاقله
یقامزنی قورتاره بیسملک نهیه متوقف اولدیفنی
کله جک مقاله مزده دور و دراز عرض وایضاح
ایلرز .

استرومجه لی صالح ذکی

مشاهیر علمای اسلامیة دن :

فتاریلر

شمس الدین فتاری

۱

اعظم علمای عثمانیه دن اولوب « فتاری »
دیه شهرت بولماری اصل صنعتلرینک « فتاریجی »
اولسندن نشئت ایلدیکی هر نه قدر امام سیوطی
حضرتلرندن مروی ایسه ده فتارینک صنعتی
فتاریجیلک دکل « قزازلیق » اولوب بو روایت
تاریخیه نیک یا کاش اولدیفنی درکارد . مؤلف
شقائیک ، قاموس الاعلام ، کلدسته ریاض عرفا ،
اسامیسینک « فتار » بیر قریه در . فتاری حضرتتاری
دخی او قریه ده منسوبیتله مشهور اولمشدرده « دبه
ویرکری خبر بالطبع هادوغری کوریلور [۱]

[۱] فتار ماورا النهرده اقصای بلاد خرساندن
بیر قریه در . کلدسته ریاض عرفا : بروسه لی علی جلد
۱ - ص ۲۳۵ .

فتاری : بدی بوز اللی سنه می صفر الحیرنده
شیخ صدرالدین قوی تلامذه لرندن والدماجدرلی
مولانا شیخ « حمزه » نک صلب یا کندن کوکب
وجود مسعودلری لمه پاش عالم ظهور اولمشدر .
کلدسته ریاض عرفا ، سلسله الذهب : نسب
شریفلری امیرالمؤمنین عمر بن الخطاب رضی الله
عنه حضرتتارینه منتهی وجد امجدی ملوک هندک
سر آمدانندندر [۲] دیورلر .

فضالی مشایخ عهددن مولانا شیخ اسماعیل
حقی حضرتتاری : مولانای مشار الیه ک جد
امجدلرینک مسقط رأسی قریه فتار اولوق حسیله
کندیلری ابن فتاریدر دیمشدر .

مشار الیه حضرتتاری آفتاب فیض ازلیدن
استفاضه نور شعور ایدوب رتبه استعداد خدا
داد ایله احراز پایه ایله دکده « شارح معنی » و
« وقایه » مولانا علامه الدین اسود ، جمال الدین
محمد بن آقسرائی ایله محمد کمال الدین ابن محمد
المعزی کبی فضالی عصردن اخذ علوم ایله دی .
بعده زماننک علمایی هب مصره کیدرک ا کمال
تحصیل ایله دک لاری ایشتمکله مصر علماسنی کورمک
کندیلرنجه دخی ارزو اولندی ایسه ده فیوضات
موهوبه ربانیه دن اولوق اوزره ذاتاً هر الدینی
درسه استادلرینی کچمکده اولان فتاری حضرتتاری
مصرده ا کمال تحصیل دکل : علمای مصر ایله
مناظره و مباحثه یه کیتمشدی .

بزم بوسوزمزی مؤلف شقائق دخی تصدیق
ایله باقیکنز نسوبیلور :

« مشرق خورشید علوم ومطلع شمسوس
فضائل اولان دیار مصرک علماسنک صیت ومفاخری
کوش هوشنه واصل اولمغین اول زمزمه فائقه ایله
مصاحبت علمیه ایله مک ارزوسیه مصر جانبیه
[۲] کلدسته ریاض عرفا جلد ۱ - ص ۲۳۵ ،
سلسله الذهب جلد ۱ ص ۳۱۸ .